

贈書處

廈門大同路利亨銀莊
同安銅魚館聚仁布行

(代送函索即寄)

驗方新編

福建同安
郭徐靜慧女士敬送

光緒三十一年歲次乙巳冬月鉛刻

增訂驗方新編縮本

板一存香港東華醫院一存廣東省城廣濟醫院一存上海廣肇會館任人印送不收板資翻刻亦不究問但須細校以免貽累為要

港

香

延壽堂藥行

著名良藥

三鞭健腎丸

治男子腎部虛弱精寒夜溺
有填精補髓扶元養血之功



鳳凰調經丸

治婦女一切經病能使月信準期身
體健康顏容豐美誠女界聖藥也

孩寶丹

小兒急驚風痰急症最效

理金丸

一切咳嗽三日服三次立見安愈

喉散

白喉一切喉症均極應驗

總行香港康樂道西卅六號中外各埠各大商店均有代售

郭徐靜慧女士肖像



驗方新編

凡例

一原編卷帙頗多艱於攜帶茲特刪繁就簡揀成善本又用縮版排印以便舟車庶取攜較爲簡當

一近來沿海皆種洋痘百無一失故特詳其說於編原編所載種痘舊法不能萬全概從刪節

一咽喉要症急宜善治原編所載未盡純粹以精畧爲刪節另增入竇氏各神驗方二十七條

一是編方多奇驗往往有尋常之藥而奏效甚神者尤望樂善君子按方製藥廣爲流傳幸無以淺近而忽之

驗方新編總目

卷一

頭部 面部 眉部 目部 耳部 鼻部 唇部 口部

舌部 齒部 鬚部 下頰 頸項 咽喉

卷二

肩部 手部 腋部 乳部 胸部 肋部

卷三

心部 肺部 各種氣痛 咳嗽 勞傷吐血 哮喘

卷四

脾胃 痰疾 三消 飲食積滯 噎隔 呃逆

反胃嘔吐附

卷五

肚腹 痞積 蟲疾 蟲脹 脅部 背部 腰部

卷六

前陰 小便 淋症 遺精

卷七

後陰 大便 泄瀉 痢疾 脫肛 痔瘡

卷八

兩股 海底 腿部 足部

卷九婦科

調經 崩帶附 種子 胎前 產後 雜治

卷十小兒科

雜治 驚風 痘症 癩症

卷十一

癰毒 癰毒諸症 癰毒雜治 癰毒諸方 陰疽 陰疽

諸方 內科備用諸方

卷十二

急救

凡吊頸割喉腹破腸出溺水凍死雷擊痰厥氣閉一切急症皆在此內

解救諸毒 誤吞諸物 煙酒醉傷

卷十三

人畜蛇蟲咬傷 湯火傷 跌打損傷 刑杖傷 銅鐵竹

木雜物入肉

卷十四

中風

筋骨

皮膚病附

傷寒

感冒風寒

卷十五

中暑

痧症

霍亂

瘧疾

黃疸

瘟疫

蠱毒

瘴癘

卷十六

諸血

諸汗

遍身搔癢

邪怪

奇病

藥物備要

雜治

卷十七

咽喉秘集

卷十八

痧症全方

驗方新編卷一

頭部 ○偏正頭風

此症發時雖盛暑亦覺畏風痛不可忍用蕎麥粉炒熱加醋再炒乘熱敷上用布包緊勿令見風冷則離

換日夜不斷有人患頭風十年不愈照此治之其病若失愈後鼻流黃水數日從此斷根屢試神驗此治頭風第三方也並治尋常傷風頭痛惟氣虛及風火虫痛不效 又方生大烏頭去皮四兩南星泡一兩共爲末每服二錢用薄荷七片鹽梅一個

煎水臨睡調服雖二十年頭風亦效或用生南星生烏頭等分爲末葱汁調貼太陽穴亦可 又方硫黃一錢川椒取紅色者去子爲末三分二味和勻鎔成小餅左疼塞左鼻清涕從右鼻出右疼塞右鼻正疼左右俱塞清涕流盡即愈神驗 又方白

芷二兩五錢真川芎甘草川烏頭半生半熟明天麻各一兩共爲末每服一錢食後服細茶薄荷湯下百藥不效者一服即愈效驗甚速 ○雷頭風痛 頭痛而起核塊或頭中如雷鳴者是也用川芎白芷防風羌活天麻甘菊薄荷甘草等味治之如

不見效用天麻升麻各一錢新荷葉一大張煎服或不省人事用地膚子同生羌搗爛熱酒冲服取汗即愈 ○熱痰頭痛瓜蒌一個牛子四兩焙共爲末每用三錢食後酒冲服忌食動風發熱之物 ○氣虛頭痛 春茶葉末水調成膏攤碗內覆

轉用巴豆四十粒作兩次燒煙薰之曝乾研細每服二分滾水冲下食後服 又方照前烏頭南星方最效 ○厥陰風火上衝頭痛 肝脈弦者是用消障救晴散見目部治之神效肝脈不弦者不效 ○頭風目痛 製香附二兩藿香甘草各二錢

共爲末每服二錢滾鹽湯下 ○終年頭似痛而非痛 此腎水不足而邪冲上作痛用熟地玉竹各一兩山茱肉四錢真山藥元參川芎當歸各三錢五味麥冬各二錢水煎服服後頭痛更甚至重二劑斷根屢試如神藥味不可加減稍有加減則不

效有人患此數年百藥不愈二劑而安永不復發真奇方也 ○腦後作痛 此風入腎經所致用熟地五錢真山藥炒雲苓當歸各三錢炒芍二錢川芎陳皮炙草各一錢天麻錢半麻黃三分水煎服 ○頭腦鳴響 狀如虫蛀名天白蟻以春茶子

爲末別樣茶子亦可惟打油之茶子則不用吹入鼻中取效如不見效即照頭風各方治之 又方土茯苓煮豬肉食之神效前後忌茶十日 ○頭腦暈眩 暈眩雖然小症然大病皆起於暈眩眼目一時昏花卒致猝倒而不可救者也宜早治之用

白黨半夏各三錢白朮當歸熟地白芍各一兩川芎茱肉各五錢天麻一錢陳皮五分水煎服數劑見效此方名防眩湯專治

氣血之虛不治頭目之暈蓋氣血足則陰陽和陰陽和則邪火散自不致於暈眩多服數劑受益無窮不可因一二劑不能收功便棄而不用也 又方白菓二個去壳生搗爛沖滾水空心服至重五服即安老年更效 ○婦人血風頭暈欲死倒地不知人事 生蒼耳草嫩心陰乾爲末每用一錢酒調服神驗此物能通頂門故易奏效也 ○搖頭下血 此肝風甚也用防

風三兩天花粉黃耆蜜炙薑活白芍各五錢犀角銼碎甘草各二錢半蛇脫炙赤鈎藤麻黃各一錢共研末棗肉爲丸梧子大薄荷湯中五七十丸 ○腦漏 從腦頂上一股酸氣由鼻孔流出黃水臭不可聞治法見鼻部鼻淵門 ○腎氣上攻頭項

不能轉動 大熟附子二錢川椒二十粒用麪塞滿椒口內生薑七片水煎加鹽少許服 ○頭面發熱有光彩他人手近之

如火燒葱汁五錢酒調服吐如虫即安 ○頭面腫大 此名大頭瘟自頸至頂腫成一桶咽喉閉塞治法見卷十五瘟疫

門 ○頭上生瘡如葡萄痛甚參看卷十一葡萄瘡方 此名鬚毛毒瘡用黃柏一兩乳香二錢半共爲末槐花煎濃汁調作

餅貼瘡口並用吳萸研末醋調敷兩足心即愈 ○頭頂結核如寡蛋嚮者 此命門火虧也用寡蛋水酒煮老每食一二個

酒送下服至數十個自愈 又方七製固脂丸見內外備用諸方每服三錢服至半月必愈或下頭頂白色腫塊治之必愈

○頭頂生白色腫塊 小兒頭髮內生白色腫塊名瘰癧頭多有誤認跌腫慢不加意及至高大作痛方延醫治庸醫以頭爲

首陽誤用寒涼解毒是以潰爛者內膿復積增出者不一殊未知此患色白其膿不紅乃陰寒虛弱之症用小金丹初起三服

而消已潰爛者服七丸而愈外貼陽和解凝膏大人患之名曰髮疽服陽和湯自愈小金陽利各方均見陰疽門 又方如愈

而復發者用綠雲膏見癰毒諸方門貼之最效 ○頭頂生瘡或紅或白甚至紫黑色其人喉有痰涎或能言或不能言此

名劈腦疳瘡用木鼈子焙枯存性三分加頂上梅花冰片三四厘共爲末吹入喉內即吐出而瘡亦愈喉內無痰色不紅紫或

先白後紅者仍照前小金丹各方治之 ○髮中生癬如珠相染不已 此名火珠遲則難治急用生蘿葡搗爛好醋泡透敷

此林屋山人經驗方也 又方內服地丁飲見疔瘡門一二劑外用菊花葉搗融調蜜敷或用燕泥散見癰毒通治門數均效

○小兒頭面胎毒 浮水石煨存性研爲末放碗內童便調勻用艾絨燒煙薰透以裏面均帶黃色爲止俟冷川麻油調敷雖

十年不愈者敷三五日必愈並一切瘡毒年久不愈者皆可治 又方白龍散水牛屎曬乾燒枯存性燒太過不效搽患處即

收水脫痂而愈並治瘰癧後餘毒 ○頭面紅癰 名曰石癰紫微花半茶鍾實精豬肉食之可保一年不生 又方洞天鮮草

膏見癰毒諸方貼一日全消潰者貼之亦愈用連翹花粉赤芍銀花甘草車前滑石澤瀉各一錢煎溫服即無熱毒之患男婦

大小暑天宜服此林屋山人秘方也 又方大黃遠志等分爲末豬膽汁調搽極效 又方黃栢真川連黃芩各等分研末醋

調敷效 又方菊花葉搗汁調白蜜敷之用渣敷四圍留頭不敷俟毒水流盡即消 ○頭上軟癰 癰軟愈而復發最難除

根用枳壳一個鮮者更佳又名臭橘子無鮮者用乾枳壳蒸融攤冷用刮去瓢以麵糊塗抹枳壳四圍合蓋癰上旁安一燈心

以通膿水數日自愈愈後並無疤痕 又方生半夏生山藥各等分研末用葱頭搗敷此治初起甚效 又方豬頭上毛貓頭

上毛各一撮燒灰雄鼠糞一粒兩頭尖者是共研末香油調敷雖數年不愈亦效 ○頭上生瘡乾而無膿 抱過鷄蛋壳名

鳳凰巢燒灰存性研極細麻油調搽 ○千層瘡 此瘡生在頭面好而復發生生不已故名千層俟破口時用新鮮橄欖核

無鮮者用鹽橄欖核以水煮去鹽味亦可燒灰和鷄蛋白油見癰毒諸方以鴨毛調敷 ○禿頭瘡又名臘梨頭 香黃散松香

二兩爲末入葱管內用線紮定水煮融化去葱研末黃丹一兩水飛無名異一錢炒宮粉一錢炒輕粉三分炒共爲細末香油

調搽並治頭面黃水瘡俱極神效 又方牛牙散見癰毒諸方敷之生肌斷根神效之至 又方白油膏見腿部臃瘡貼之雖

多年不愈者亦效 又方先用刀將瘡刺破以熟蕎麵將頭面上四圍高高敷之取一雄鷄宰殺以熱血灌入頭頂數日生肌

而愈 ○落頭疽俗名砍頭瘡 此疽生在腦後由小而大係屬陰症斷不可服寒冷等藥倘醫不得法即腐爛落頭而死大

半係冤孽所侵即照卷十一陰疽各方治之並查看陰疽孽報見陰疽卷末爲要 ○頭角太陽生瘡 當日頭重如山二日

即變青紫三日青至心胸而死此症有因好服春方藥而生者有因食煎炒厚味而生者初起用金銀花二斤煎湯飲數十碗

方可少解其毒然必潰爛再用金銀花元參各三兩當歸二兩甘草一兩水煎日服一劑七日始可收口又手脚指頭生瘡亦

多不救亦可以此法治之 ○太陽出血 有人兩太陽陡起紅瘡用手抓破出血如線不止用瘦豬肉一厚片貼之即止或

用穿山甲尾上者佳炒研細末敷亦止內服元麥地黃湯見內外備用諸方即愈 ○髮癰 多生耳後髮下寸許按之不痛

用針刺破擠盡粉髮用生肌藥敷之自愈 ○髮落重生 黑脂麻梗柳樹枝各等分熬水洗頭髮易生而且潤婦人以此二

味油搽頭更妙小兒髮稀洗之亦生 又方旱蓮草又名墨頭墨斗墨東搗敷易生而多 ○烏鬚黑髮 丹見內外備用

諸方服之鬚髮可以轉黑神效無比 ○頭腦內癢 漸至髮落蘆薈苦練子各一錢爲末吹入鼻內數次自愈 ○頭生白

屑 癢極難忍藜蘆末煎湯洗頭半乾時再用藜蘆末搽上命入皮內用布紮緊數日即愈 又方王不留行白芷各三錢研

末乾搽一夜梳去即愈 ○治癩子神方 俗名髻釐治好後能長頭髮郁澄齋先生試驗傳出先用米泔水加明礬花椒葱

頭煎湯薰洗又用黃牛門牙數枚醋泡炭火煨煉七次成炭研細末加熟礬小許亦研末用栢油調搽幾次即愈十數年來不

發治脚痔亦用此方甚效 ○治腦漏神方 一名鼻淵白鵠鵠翎毛三錢擦生漆絲棉一塊如無絲棉即揩漆布亦可二種

係問漆匠鋪買將二味放於瓦上焙炮存性共研細末入冰片少許令病人仰臥用筆管吹入不過三四次即愈此余患此症

覓得之仙方也用之除根病愈已三十年矣

面部 ○面上生瘡 急尋有壳蝸牛一二條查藥物備要便知搗融攤紙上貼之即愈紙上留一小孔出氣初起用之神效

又方鹿角燒研豬膽調搽亦效 ○面上似疥非疥似癬非癬 若不急治延及遍身不救照上蝸牛方治之或照上鹿角豬

膽方更效 又方鵠鵠鵠子糞胡桃壳即核桃熬湯以絹帕攤湯熱擦即愈忌羊鵝魚蝦等物一月 ○面上粉刺 又名

酒刺由肺經血熱而生發於面鼻碎黍如粟色赤腫痛破出粉汁用大黃硫黃等分研末以涼水調敷內服清肺熱藥自愈

又方輕粉黃芩白芷白附子防風各一錢爲末蜜丸每日洗面時多擦數次臨睡時又重洗面而擦之三日消痕滅跡或用下

雀斑附子蛤粉方亦效 又方紫參丹參黨參苦參沙參各一兩爲末胡桃肉又名核桃搗融爲丸梧子大每服三十丸茶送

下 ○面上雀斑 其色或黃或黑碎點無數由火鬱血分風邪外搏而成用時珍玉容散豬牙皂角紫背浮萍青梅櫻桃各

一兩鷹屎白三錢或鵝糞白亦可共研細末早晚用少許在手心內水調濃擦面上良久以溫水洗面至七八日後其斑皆去

神效或用好玉時時之擦久則自退 又方附子蛤粉茯苓白芷陀僧山奈各五錢共爲末蜜調搽面上次日洗去甚效並治

酒刺 ○抓破面皮 橄欖核磨水搽之即愈並無痕跡或用白糖搽之亦妙 又方生薑自然汁調輕粉末搽之亦無痕跡

○玉容粉 治雀斑酒刺肺風酒糟鼻面上一切斑點莖荳一升荷花瓣二兩晒乾滑石白芷白附子各五錢上冰片蜜陀僧

各一錢共爲細末早晚洗面擦之 ○面上黑氣 半夏焙研米醋調敷不見風自晨至曉不計次數三日後用皂角湯洗下

即白 又方天門冬和蜜搗爛爲丸日日洗面即白 ○腮邊酸痛發腫 腮內酸痛名遮腮用洞天鮮草嫩膏敷上次日即

愈若病後兩腮發腫不作酸痛者名發頤用天麻白芷防風荆芥各一錢送服醒消丸三錢而愈此林屋山人方也洞天醒消各方均見癰毒諸方 ○腮煩穿爛 腮邊穿一小眼時發時愈名曰漏腮內服荆防敗毒散見內外備用諸方外用夜合花

樹皮煎水洗並用夜合樹皮搗融敷再用夜合花根煎濃湯時含口內有人患此十年不愈照此方治之收口斷根 ○兩腮赤腫 俗名撐耳風又名疳腮用燈火燈心一根點油燒之在大指二指之下手背微窩處燒一下左腮燒右手右腮燒左手

半日即消神效或燒少商穴查鼻部鼻血第一方便知更妙 又方皂角二兩生南星二錢糯米一合共爲末薑汁調敷立效

眉部 ○眉上生瘡 肥皂燒存性枯礬要燒透各等分爲末麻油調塗先用白礬泡水洗淨 又方分別色之紅白照癰毒陰疽各方治之 ○眉爛毛落 此肝經受風所致用側柏葉去梗九蒸九晒磨末蜜丸梧子大每早晚服一錢開水送下以愈

爲度外用兔絲子研末麻油調搽或茅屋上舊草燒灰麻油調搽亦可 ○眉毛不生 黑脂麻花陰乾爲末以黑脂麻油泡之日搽數次自生 又方生旱蓮草又名墨頭墨斗墨東搗敷數日即生 ○眉毛搖動晝夜不睡喚之不應但能飲食 大蒜二兩搗汁兌酒飲自愈

目部 ○雙目不明 後有增補瞽目神方凡雙目不見青光瞎眼瞳人反背皆治黑豆一百粒菊花五朵皮硝六錢水一鐘煎七分帶熱薰洗五日換藥再洗一年後可以復明平日忌茶並戒惱怒 又方鷄膽一個入蜜半匙以線紮住再入豬胆內吊

房簷下通風不見日處二十一日去豬膽留鷄膽先以人乳點患處潤之少刻用骨簪蘸鷄膽點上遍身透涼流淚出汁二三次即明忌茶百日可將霜降後桑葉煎湯代茶飲並戒惱怒 ○青光瞎眼 人望如好眼自覺不見者是白羊子肝一副竹

刀切片黃連一兩研末熟地黃二兩同搗爲丸梧子大食遠茶服七十九日三服崔承元病內障表明有人以此方報德服之遂明 又方兔絲子補骨脂巴戟川牛膝枸杞肉蓯蓉各一兩共爲末加青鹽二錢用豬腰子一個切開半邊去筋膜入前藥

末一錢將線紮緊用陳酒蘸溫燒熟食之初起最效 ○兩目忽然不見 取地上三尺下黃土攪水澄清洗之此葛仙肘後

方也 ○瞳人反背 若眼珠已有白點便不驗蜜蒙花蟬蛻白菊郁李仁石羔生草決明石決明甘草谷精草白礬各四錢

百部二錢珍珠四分另爲末以上共爲末分量不可加減和豬瘦肉二兩搗爛煮服即時發冷者其光必轉若光未盡轉再服一劑必愈愈後宜服鎮精丹一二劑 ○鎮精丹 石羔蟬蛻枝子槐花白菊花各一錢生地蒙花各二錢草決明錢半甘草

五分煎服 ○小兒瞳人不正 小兒因跌打損傷頭腦受驚以致瞳人不正觀東則見西觀西則見東用石楠葉一兩甜瓜

蒂七個藜蘆三分共研細末吹少許入鼻孔通頂爲度日吹三次並請名醫內服牛黃定驚平肝等藥自愈石楠有雌雄兩種

若得雌石楠葉更佳 ○兩目夜不見物 俗名雞眼眼此肝虛也黃蠟不拘多少鎔汁取出入蛤粉相和得宜每用二錢以

豬肝羊肝更妙二兩批開搽藥在內麻繩紮定水一碗同入銅器內煮熟取出乘熱薰眼候溫連肝食之日服兩次以愈爲度

其效如神 ○風火眼痛 凡兩目腫脹赤甚痛甚作癢多淚畏日畏風容易惹人鼻塞腦酸諸病皆是後列各方治之必愈

但洗眼時務在帳內方可避風即帳內脫衣揭被亦有風動俱宜留意若不謹避則不效也 ○吹鼻散 鵝不食草五錢晒

乾查藥物備要便知真青黛川芎各一兩共爲細末將藥少許嚥入鼻中或新白布泡水蘸藥入鼻中亦可口含溫水以淚出

爲度數次必愈兼散目中星翳 又方黃丹和白蜜調敷太陽穴立效 又方輕白蘆甘石以能浮者爲佳用童便泡一日夜

越久越好炭火內燒紅再泡一日再燒一次又用川黃連水泡一日夜越久越好炭火內燒紅再泡一日再燒一次用一錢淨

礪砂五十大硃砂四分珍珠三分煨牙色梅花冰片製乳香查藥物備要便知薄荷末各二分共爲極細末研至無聲放手

無渣方可用用清水以骨簪蘸藥少許點眼治風火腫爛一切神效 又方脂麻威靈仙何首烏苦參甘草石菖蒲各三錢共

爲細末每服三錢黃酒下此係武當山石刻仙方神效無比兼治痘風目疾 又方苦參錢半五倍子一錢明礬薄荷荊芥穗

各三分煎水臨睡時用細絹輕輕避風洗之神效之至 又方川連防風白菊花歸尾各一錢甘草銅菴各五分膽礬三分杏

仁七個去皮尖打碎泡水蒸熱照前法洗之甚效 ○肝熱目痛 龍胆草一味用瓦器熬成膏點入眼內瞽目俱能點去雲

翳不可以平淡而忽之也 又方夏枯草二兩炒香附二兩醋炒生甘草四錢炒共爲末每服錢半清茶調下數日即愈屢試

如神夜間痛甚者更效此觀音夢授方也 ○腎虛目痛 用甘州枸杞上好新紅者一觔用好酒浸一夜分作四起一起以

川椒二兩拌微炒一起以小茴香拌炒一起以黑芝蔴拌炒以上三起去拌者不用一起以淨青鹽二兩研末拌炒鹽藥卽入外加當歸頭生地白菊花白朮白茯苓各四兩共爲末加四神丸每於午飯後開水服三四錢久則目如童子屢試如神百無一失。○目昏多淚 生地熟地川椒去子閉口者不用各等分爲末蜜丸梧子大每服五十丸鹽米湯空心下兩月後目如

童子此呂仙方也。○通治目疾諸方 珊瑚紫金膏 白蘆甘石一兩以能浮水者爲佳用童便浸七日用炭火銷銀砂鍋

內煨紅再入童便內浸十日曬乾研細末黃丹一兩滾水飛過三次曬乾研細末乳香沒藥各二錢俱入砂鍋內加燈心四分微火炒出烟去燈心研細末海漂蛸二錢刮去皮甲微火炙過研細末真白礬砂二錢青鹽麝香各五分頂上牙色梅花冰片三分以上均研成細末合一處乳硃研極細然後入麝香片冰二味和勻再研極細放舌上無渣方合用用蜂蜜熬成珠先用絹袋漚淨蜜渣夏老冬嫩春秋酌看老嫩之間將藥末調入蜜內用磁罐封固以蜡封口不可洩氣此方治七十二種眼疾屢用如神雖十年不愈者亦效惟瞳人反背而驚散者不效。○天賜膏 點眼目障翳兗州朱秀才忽不見物朝夕祈禱夢仙

人張三丰傳受此方好礬確一兩銅器鎔化入飛黃丹二分頂上梅花冰片二分銅箸攪勻入磁瓶收之以蜡封口勿令洩氣每點少許其效如神。又方治目疾紅痛日久不愈薤仁選淨白者去壳研細去淨油不淨不效調白蜜用骨簪點眼內角卽

能退紅止痛效驗之至。又方治目赤腫痛數日不能開者生薑一塊洗淨去皮用古銅錢刮汁點之初點頗痛點後卽愈

又方治目赤腫痛用自己小便乘熱以紬帕輕輕蘸洗卽閉目少頃此以真氣而退肝熱之法也小便頭尾不用。又方老能

夜書每年九月二十三日用桑葉煎水洗目一次至老永不昏暗且能夜細書其妙無窮桑葉須五月五日六月六日立冬日

採者爲佳同黑芝蔴等分蜜丸名爲扶桑丸能去風濕烏鬚明目。○兩目晝夜不閉 一婦因受驚嚇兩目晝夜不合用郁

李三錢酒煮飲之盡醉卽愈神效非常。○小兒疳積瞎眼生翳 草決明四兩晒乾勿見火研末生雞肝不落水者將雞肝

搗爛和決明末三錢研勻加酒飯上蒸服若腹脹如鼓加蕪荑末一錢目翳腹大加雞內金更妙。又方火硝一兩硃砂三錢

共爲末每用四分不落水生雞肝一個剖開入藥紮定酒蒸熟空心服輕者一料重者二三料翳膜推去半邊而愈。○珠目

蟹眼 蛇蛻全者一條馬屁勃一兩皂角子十四枚虫蛙者切不可用共入磁罐內鹽泥封固燒紅勿令出氣候冷存性出火